



盛唐第十三

唐詩紀七十三

鄆郡吳瑄彙編

東吳俞策同校

王維<sub>五</sub>

五言律詩二

山居秋暝

空山新雨後天氣晚來秋  
明月松間照清泉石上流  
竹喧歸浣女蓮動下漁舟  
隨意春芳歇王孫自可留

終南別業

一題作初至山中又作入山寄城中故人

中歲頗好道晚家南山陲興來每獨往勝事空自知行到水窮處坐看雲起時偶然值林叟談笑無

一作還期

歸嵩山作

清川帶長薄車馬去閑閑流水如有意暮禽相與還荒城臨古渡落日滿秋山迢遞嵩高下歸來且閉關

歸輞川作

谷口疎鐘動漁樵稍欲稀悠然遠山暮獨向白雲歸菱蔓弱難定楊花輕易飛東臯春草色惆悵掩柴扉

韋給事山居

幽尋得此地詎有一人曾大壑隨階轉羣山入戶登庖厨出深竹印綬隔垂藤卽事辭軒冕誰云病未能

山居卽事

寂寞掩柴扉蒼茫對落暉鶴巢松樹遍人訪葦門

言系  
稀綠竹含新粉紅蓮落故衣渡頭煙火起處處采菱歸

終南山

太乙近天都連山到海隅白雲迴望合青靄入看無分野中峯變陰晴衆壑殊欲投人處宿隔水一作

浦問樵夫

輞川閑居

一從歸白社不復到青門時倚檐前樹遠看原上村青菰臨水映白鳥向山翻寂寞於陵子桔槔方

灌園

春園卽事

宿雨乘輕屐春寒著弊袍開畦分白水間柳發紅桃草際成碁局林端舉桔槔還持鹿皮几日暮隱蓬蒿

淇上田園卽事

屏居淇水上東野曠無山日隱桑柘外河明閭井間牧童望村去獵犬隨人還靜者亦何事荆扉乘晝關

詩紀

盛唐卷之十三

三

涼州郊外遊望

野老纔三戶邊村少四鄰  
婆娑依里社簫鼓賽田  
神灑酒澆芻狗焚香拜木人  
女巫紛屢舞羅襪自  
生塵

觀獵

風勁角弓鳴將軍獵渭城  
草枯鷹眼疾雪盡馬蹄  
輕忽過新豐市還歸細柳營  
迴看射鵰處千里暮  
雲平

春日上方卽事

好讀高僧傳時看辟穀方  
鳩形將刻杖龜殼用支  
牀柳色春山映梨花夕鳥藏  
北牕桃李下閑坐但  
焚香

漢江臨汎

楚塞三湘接荆門九派通  
江流天地外山色有無  
中郡邑浮前浦波瀾動遠空  
襄陽好風日一作風日好

畱醉與山翁一作公

汎前陂

秋空自明迴况復遠人間  
一作寰暢以沙際鶴兼之

雲外山澄波一作澹將夕清月皓方閑此夜任孤  
棹夷猶殊未還

登河北城樓作

井邑傳巖上客亭雲霧間高城眺落日極浦映蒼  
山岸火孤舟宿漁家夕鳥還寂寥天地暮心與廣  
川閑

千塔主人

逆旅逢佳節征帆未可前牕臨汴河水門渡楚人  
船雞犬散墟落桑榆陰遠田所居人不見枕席生

雲煙

使至塞上

單車欲問邊屬國過居延

英華作銜命辭天  
闕單車欲問邊

征蓬

出漢塞歸鴈入胡天大漠孤煙直長河落日圓蕭

關逢候吏

一作

都護在燕然

晚春歸思

新妝可憐色落日卷羅帷鑪氣清珍簟墻陰上玉  
墀春蟲飛網戶暮雀隱花枝向晚多愁思閑牕桃  
李時

戲題示蕭氏甥

憐爾解臨池渠翁未學詩老夫何足似弊宅倘因  
之蘆笋穿一作藏荷葉菱花罨鴈兒却公不易勝莫  
著外家欺

秋夜獨坐

獨坐悲雙鬢空堂欲二更雨中山果落燈下草蟲  
鳴白髮終難變黃金不可成欲知除老病唯有學  
無生

待儲光羲不至

重門朝已啓起坐聽車聲要欲聞清珮方將出戶  
迎晚鐘鳴上苑疎雨過春城了自不相顧臨堂空  
復情

聽宮鶯

春樹遶宮牆宮鶯囀曙光一作春鶯次第翔忽驚啼暫斷  
移處弄還長隱葉棲承露攀花出未央遊人未應  
返爲此始思一作思故鄉

雜詩

雙燕初命子五桃新作花王昌是東舍宋玉次西

家小小能織綺時時出浣紗親勞使君問南陌駐  
香車

過始皇墓

古墓成蒼嶺幽宮象紫臺星辰七曜隔河漢九泉  
開有海人寧渡無春鴈不迴更聞松韻切疑是大  
夫哀

恭懿太子挽歌五首

肅宗子名佖上元元年薨贈恭懿太子

何悟藏環早纔知拜壁年狎天王子去對日聖君  
憐樹轉宮猶出笳悲馬不前雖蒙絕馳道京兆別

開阡

蘭殿新恩切椒宮夕臨幽白雲隨鳳管明月在龍  
樓人向青山哭天臨渭水愁雞鳴常問膳今恨玉  
京畱

騎吹凌霜發旌旗夾路陳凱

一作禮

容金節護冊命

玉符新傳母悲香祿君家擁畫輪射熊今夢帝秬  
象問何人

蒼舒畱帝寵子晉有仙才五歲過人智三天使鶴  
催心悲四祿館目斷望思臺若道長安近何爲更



詩紀  
盛唐卷之十三  
不來

西望昆池濶東瞻下杜平山朝豫章館樹轉鳳凰  
城五校連旗色千門疊鼓聲金環如有驗還向畫  
堂生

故太子太師徐公挽歌四首

功德冠羣英彌綸有大名軒皇用風后傳說是星  
精就第優遺老來朝詔不名留侯常辟穀何苦不  
長生

謀猷為相國翊贊奉宸

一作乘輿劔履升前殿貂蟬

託後車齊侯疏土宇漢室賴圖書僻處留田宅仍  
纔十頃餘

舊里趨庭日新年置酒辰聞詩鸞渚客獻賦鳳樓  
人北首一作闕辭明主東堂哭大臣猶思御朱輅不  
惜汗車茵

久踐中台座終登上將壇誰言斷車騎空憶盛衣  
冠風日咸陽慘笳簫渭水寒無人當便闕應罷太  
師官

故西河郡杜太守挽歌三首

詩紀

盛唐卷之十三

言終  
盛唐卷之十三  
天上去西征雲中護北平生擒白馬將連破黑鷗  
城忽見芻靈苦一作善徒聞竹使榮空留左氏傳誰  
繼卜商名

返葬金符守同歸石窳妻卷衣悲畫翟持翳待鳴  
雞容衛都人慘山川駟馬嘶猶聞隴上客相對哭  
征西

塗芻去國門祕器出東園太守留金印夫人罷錦  
軒旌旄轉衰木簫鼓上寒原墳樹應西靡長思魏  
闕恩

故南陽夫人樊氏挽歌

錦衣餘翟茀繡轂罷魚軒淑女詩長在夫人法尚  
存疑笳隨曉旆行哭向秋原歸去將何見誰能返  
戟門

吏部達奚侍郎夫人寇氏挽詞二首

束帶將朝日鳴環映牖辰能令諫明主相勸識賢  
人遺挂空留壁廻文日覆塵金蠶將畫柳何處更  
知春

女史悲彤管夫人罷錦軒卜筮占二室行哭度千

門秋日光能淡寒川波自翻一朝成萬古松柏暗  
平原

七言律詩

奉和聖製從蓬萊向興慶閣道中留春雨  
中春望之作應制

渭水自縈秦塞一作甸曲黃山舊遶漢宮斜鑿輿迴  
出仙門柳閣道迴一作遙看上苑花雲裏帝城雙鳳

闕雨中春樹萬人家為乘陽氣行時令不是宸遊  
翫一作重物華

大同殿柱產玉芝龍池上有慶雲神光照  
殿百官共覩聖恩便賜宴樂敢書即事

欲笑周文歌宴鎬遙輕漢武樂橫汾豈如玉殿生  
三秀詎有銅池出五雲陌上堯樽傾北斗樓前舜  
樂動南薰共歡天意同人意萬歲千秋奉聖君

敕賜百官櫻桃

芙蓉闕下會千官紫禁朱櫻出上闌纔一作總是寢  
園春薦後非關御苑鳥銜殘歸鞍競帶青絲籠中  
使頻傾赤玉盤飽食不須愁內熱大官還有蔗漿

寒

敕借岐王九成宮避暑應教

帝子遠辭丹鳳闕天書遙借翠微宮  
隔牕雲霧生衣上卷幔山泉入鏡中  
林下水聲喧語笑巖間樹色隱房櫳  
仙家未必能勝此何事吹笙向碧空

和賈舍人早朝大明宮之作

絳幘雞人送一作報曉籌尚衣方進翠雲裘  
九天闔闔開宮殿萬國衣冠拜冕旒  
日色纔臨仙掌動香煙欲傍袞龍浮  
朝罷須裁五色詔珮聲歸向一作到

鳳池頭

和太常韋主簿五郎溫湯寓日之作

漢主離宮接露臺秦川一半夕陽開  
青山盡是朱旗繞碧澗翻從玉殿來  
新豐樹裏行人度小苑城邊獵騎迴  
聞道甘泉能獻賦懸知獨有子雲才

苑舍人能書梵字兼達梵音皆曲盡其妙

戲為之贈

名儒待詔滿公車才子為郎典石渠  
蓮花法藏心懸悟貝葉經文手自書  
楚詞共許勝楊馬梵字何

詩紀

盛唐卷之十三

十一

人辨魯魚故舊相望在三事願君莫厭承明廬

重酬范郎中 并序

頃輒奉贈忽枉見酬敘末云且久不遷因而嘲  
及詩落句云應同羅漢無名欲故作馮唐老歲  
年亦解嘲之類也

何幸含香奉至尊多慙未報主人恩草木盡能酬  
雨露榮枯安敢問乾坤僊郎有意憐同舍丞相無  
私斷掃門楊子解嘲徒自遣馮唐已老復何論

酬郭給事

洞門高閣靄餘輝桃李陰陰柳絮飛禁裏踈鐘官  
舍晚省中啼鳥吏人稀晨搖玉珮趨金殿夕奉天  
書拜瑣闥強欲從君無那老將因卧病解朝衣

出塞作

居延城外獵天驕白草連山野火燒暮雲空磧時  
驅馬秋日平原好射鵬護羌校尉朝乘障破虜將  
軍夜渡遼玉靶角弓珠勒馬漢家將賜霍嫖姚

既蒙宥罪旋復拜官伏感聖恩竊書鄙意  
兼奉簡新除使君等諸公

忽蒙漢詔還冠冕始覺殷王解網羅日比皇明猶  
自暗天齊聖壽未云多花迎喜氣皆知笑鳥識歡  
心亦解歌聞道百城新佩印還來雙闕共鳴珂

送方尊師歸嵩山

仙官欲往一作九龍潭毛一作節朱幡倚石龕山

壓天中半天上洞穿江底出江南瀑布杉松常帶

雨夕陽彩一作翠忽成嵐借問迎來雙白鶴已曾

衡嶽送蘇耽

送楊少府貶郴州

明到衡山與洞庭若爲秋月聽猿聲愁看北渚三

湘遠一作惡說南風五兩輕青草瘴時過夏口白

頭浪裏出湓城長沙不久留才子賈誼何須吊屈

平

過乘如禪師蕭居士嵩丘蘭若

無着天親弟與兄嵩丘蘭若一峯晴食隨鳴磬巢

鳥下行踏空林落葉聲迸水定侵香案濕雨花應

共石牀平深洞長松何所有儼然天竺古先生

春日與裴迪過新昌里訪呂逸人不遇

桃源一向一作四面絕風塵柳市南頭訪隱淪到門不

敢題凡鳥看竹何須問主人城上青山如屋裏東

家流水入西鄰閉戶著書多歲月種松皆作老龍

鱗

酌酒與裴迪

酌酒與君君自寬人情翻覆似波瀾白首相知猶  
按劍朱門先達笑彈冠草色全經細雨濕花枝欲  
動春風寒世事浮雲何足問不如高臥且加餐

輞川別業

不到東山向一年歸來纔及種春田雨中草色綠  
堪染水上桃花紅欲然優婁比丘經論學偃僂丈  
人鄉里賢披衣倒屣且相見相歡語笑衡門前

早秋山中作

無才不敢累明時思向東谿守故籬豈厭尚平婚  
嫁早却嫌陶令去官遲草間蛩響臨秋急山裏蟬  
聲薄暮悲寂寞柴門人不到空林獨與白雲期

積雨輞川莊作

積雨空林煙火遲蒸藜炊黍餉東菑漠漠水田飛

詩紀

盛唐詩卷之十三

十四

白鷺陰陰夏木嘒黃鸝山中習靜觀朝槿松下清  
齋折露葵野老與人爭席罷海鷗何事一作更相  
疑

聽百舌鳥

上蘭門外草萋萋未央宮中花裏栖亦有相隨過  
御苑不知若箇向金堤入春解作千般語拂曙能  
先百鳥啼萬戶千門應覺曉建章何必聽鳴雞

盛唐第十三

盛唐第十四

唐詩紀七十四

鄆郡吳瑄彙編

東吳俞策同校

王維六

五言排律

奉和聖製慶玄元皇帝玉像之作應制

明君夢帝先寶命上齊天秦后徒聞樂周王耻卜  
年玉京移大像金籙會羣仙承露調天供臨空敞  
御筵斗迴迎壽酒山近起鑪煙願奉無爲化齋心



學自然

奉和聖製與太子諸王三月三日龍池春

禊應制

故事修春禊新宮展豫遊明君移鳳輦太子出龍樓賦掩陳王作杯如洛水流金人來捧劍畫鷁去迴舟苑樹浮宮闕天池照冕旒宸章在雲表一作漢

垂象滿皇州

奉和聖製上巳於望春亭觀禊飲應制

長樂青門外宜春小苑東樓開萬井一作上禁過

一作人向百花中畫鷁移仙仗一作伎金貂列上公清歌

邀落日妙舞向春風渭水明秦甸黃山入漢宮君

王來被禊灞澹亦朝宗

奉和聖製暮春送朝集使歸郡應制

萬國仰宗周衣冠拜冕旒玉乘迎大客金節送諸侯祖席傾三省褰帷向九州楊花飛上路槐色蔭通溝來預鈞天樂歸分漢主憂宸章類河漢垂象滿中州

三月三日曲江侍宴應制

萬乘親齋祭千官喜豫遊奉迎從上苑袂襖向中  
流草樹連容衛山河對冕旒畫旗搖浦淑春服滿  
汀洲仙籞龍媒下神臯鳳蹕畱從今億萬歲天寶  
紀春秋

奉和聖製重陽節宰臣及羣官上壽應制  
四海方無事三秋大有年百生逢此日萬壽願齊  
天芍藥和金鼎茱萸插玳筵玉堂開右个天樂動  
宮懸御柳疎秋景城鴉拂曙煙無窮菊花節長奉  
柏梁篇

三月三日勤政樓侍宴應制

綵仗連宵合瓊樓拂曙通年光三月裏宮殿百花  
中不數秦王日誰將洛水同酒筵嫌落絮舞袖怯  
春風天保無爲德人歡不戰功仍臨九衢宴更達  
四門聰

春和聖製十五夜然燈繼以酺宴應制

上路笙歌滿春城刻漏長遊人多晝日明月讓燈  
光魚鑰通翔鳳龍輿出建章九衢陳廣樂百福透  
名香仙伎來金殿都人遶玉堂定應偷妙一作舞

從此學新妝奉引迎三事司儀列萬方願將天地  
壽同以獻君王

奉和聖製幸玉真公主山莊因題石壁十  
韻之作應制

碧落風煙外瑤臺道路賒如何連帝苑別自有仙  
家比地迴鸞駕緣谿轉翠華洞中開日月窓裏發  
雲霞庭養冲天鶴谿流上漢查種田生白玉泥竈  
化丹砂谷靜泉逾響山深日易斜御羹和石髓香  
飯進胡麻大道今無外長生詎有涯還瞻九霄上

來往五雲車

春日直門下省早朝

騎省直明光雞鳴謁建章遙聞侍中珮聞識令君

香玉漏隨

一作

銅吏天書拜

一作

夕郎旌旗映閭

闔歌吹滿昭陽官舍梅初紫宮門柳欲黃願將遲  
日意同與聖恩長

和僕射晉公扈從溫湯

天子幸新豐旌旗渭水東寒山天仗外  
幔城中奠玉羣仙座焚香太乙宮出遊逢牧馬罷

獵見

一作有

非熊上宰無為化明時太古同靈芝三

秀紫陳粟萬箱紅王禮尊儒教天兵小戰功謀猷

歸哲匠詞賦屬文宗司諫方無闕陳詩且未工長

吟吉甫頌朝夕仰清風

和宋中丞夏日遊福賢觀天長寺即陳相

宅所施之作

已相殷王國空餘尚父谿釣磯開月殿築道出雲

梯積水浮香象深山鳴白雞虛空陳伎樂衣服製

虹霓墨點三千界丹飛六一泥桃源勿遽返再訪

恐君迷

和陳監四郎秋雨思從弟據

嫋嫋秋風動淒淒煙雨繁聲連鳩鵲觀色暗鳳凰

原細柳疎高閣輕槐落洞門九衢行欲斷萬井寂

無喧忽有愁霖唱更陳多露言平原思令弟康樂

謝賢昆逸興方三接衰顏強七奔相如今老病歸

守茂陵園

上張令公

珥筆趨丹陛垂璫上玉除步檐青瑣闥方憶畫輪

詩已

車市閱千金字朝聞五色書致君光帝典薦士滿  
公車伏奏迴金駕橫經重石渠從茲罷角觝且復  
幸儲胥天統知堯後王章笑魯初匈奴遙俯伏漢  
相儼簪裾賈生非不遇汲黯自堪疎學易思求我  
言詩或起予當從大夫後何惜隸人餘

贈焦道士

海上遊三島淮南預八公坐知千里外跳向一壺  
中縮地朝珠闕行天使玉童飲人聊割酒送客乍  
分風天老能行氣吾師不養空謝君徒雀躍無可

問鴻濛

贈東嶽焦鍊師

先生千歲餘五嶽遍曾居遙識齊侯鼎新過王母  
廬不能師孔墨何事問長沮玉管時來鳳銅盤卽  
釣魚竦身空裏語明日夜中書自有還丹術時論  
太素初頻蒙露版詔時降軟輪車山靜泉逾響松  
高枝轉疎措一作支願問樵客世上復何如

送秘書晁監還日本國

并序

舜觀羣后有苗不格禹會諸侯防風後至動干

戚之舞興斧鉞之誅乃貢九牧之金始頒五瑞  
之玉我開元天地大寶聖文神武應道皇帝大  
道之行先天布化乾元廣運涵育無垠若華爲  
東道之標戴勝爲西門之候豈甘心於筇杖非  
徵貢於包茅亦由呼邪來朝舍於蒲萄之館卑  
彌遣使報以蛟龍之錦犧牲玉帛以將厚意服  
食器用不寶遠物百神受職五老告期况乎戴  
髮含齒得不稽顙屈膝海東國日本爲大服聖  
人之訓有君子之風正朔本乎夏時衣裳同乎

漢制歷歲方達繼舊好於行人洎天無涯貢方  
物於天子同儀加等位在王侯之先掌次改觀  
不居蠻夷之邸我無爾詐爾無我虞彼以好來  
廢關弛禁上敷文教虛至實歸故人民襍居住  
來如市晁司馬結髮遊聖負笈辭親問禮於老  
聃學詩於子夏魯借車馬孔丘遂適於宗周鄭  
獻縞衣季札始通於上國名成太學官至客卿  
必齊之姜不歸娶於高國在楚猶晉亦何獨於  
由余遊宦二年願以君羹遺母不居一國欲其

言終  
畫錦還鄉莊舄既顯而思歸關羽報恩而終去  
於是稽首北闕裹足東轅篋命賜之衣懷敬問  
之詔金簡玉字傳道經於絕域之人方鼎彝樽  
致分器於異姓之國琅琊臺上迴望龍門碣石  
館前夔然鳥逝鯨魚噴浪則萬里倒迴鷓首乘  
雲則八風卻走扶桑若薺鬱島如萍沃白日而  
簸三山浮蒼天而吞九域黃雀之風動地黑蜃  
之氣成雲森不知其所之何相思之可寄嘻去  
帝鄉之故舊謁本朝之君臣詠七子之詩佩兩

國之印恢我王度諭彼蕃臣三寸猶在樂毅辭  
燕而未老十年在外信陵歸魏而逾尊子其行  
乎余贈言者

積水不可極安知滄海東九州何處遠

一作萬里

若乘空向國唯看日歸帆但信風鰲身映天黑魚  
眼射波紅鄉樹扶桑外主人孤島中別離方異域

音信若爲通

姚合極玄集  
以此篇壓卷

### 送禰郎中

東郊春草色驅馬去悠悠况復鄉山外猿啼湘水

流鳥夷傳露版江館候鳴騶卉服爲諸吏珠官拜  
本州孤鶯吟遠墅野杏發山郵早晚方歸奏南中  
纔忌秋

送李太守赴上洛

商山包楚鄧積翠藹沈沈驛路飛泉灑開門落照  
深野花開古戍行客響空林板屋春多雨山城晝  
欲陰丹泉通號略白羽抵荆岑若見西山爽應知  
黃綺心

送權二

高人不可有清論復何深一見如舊識一言知道  
心明時當薄宦解薜去中林芳草空隱處白雲餘  
故岑韓侯久攜手河嶽共幽尋悵別千餘里臨堂  
鳴素琴

送熊九赴任安陽

魏國應劉後寂寥文雅空漳河如舊日之子繼清  
風阡陌銅臺下閭閻金虎中送車盈灞上輕騎出  
關東相去千餘里西園明月同

送康太守



言終  
城下滄江水江邊一作高高黃鶴樓朱欄將粉堞江水  
映悠悠鏡吹發夏口使君居上頭郭門隱楓岸候  
吏趨蘆洲何異臨川郡還勞康樂侯

山中示弟等

山林吾喪我冠帶爾成人莫學嵇康懶且安原憲  
貧山陰多北戶泉水在東鄰緣合妄相有性空無  
所親安知廣成子不是老夫身

青龍寺曇壁上人兄院集

并序

吾兄大開蔭中明徹物外以定力勝敵以惠用

解嚴深居僧坊傍俯人里高原陸地下映芙蓉  
之池竹林果園中秀菩提之樹八極氛霽萬彙  
塵息太虛寥廓南山爲之端倪皇州蒼茫渭水  
貫於天地經行之後跌坐而閑升堂梵筵餌客  
香飯不起而遊覽不風而清涼得世界於蓮花  
寄文章於貝葉時江寧大兄持片石命維序之  
詩五韻座上成

高處敞招提虛空詎有倪坐看南陌騎下聽秦城  
雞眇眇孤煙起芊芊遠樹齊青山萬井外落日五

詩紀 盛唐卷之十四  
陵西眼界今無染心空安可迷

韋侍郎山居

幸忝君子顧遂陪塵外蹤  
閑花滿巖谷瀑水映杉  
松啼鳥忽臨澗歸雲時抱峯  
良遊盛簪紱繼跡多  
夔龍詎枉青門道胡聞長樂鐘  
清晨去朝謁車馬  
何從容

濟州過趙叟家宴

雖與人境接閉門成隱居  
道言莊叟事儒行魯人  
餘深巷斜暉靜閑門高柳疎  
荷鋤修藥圃散帙曝

農書上客搖芳翰  
中厨饋野蔬  
夫君第高飲  
景晏  
出林間

春過賀遂貞外藥園

前年槿籬故新作藥欄  
成香草爲君子名花是長  
卿水穿盤石透藤繫古松  
生畫畏開厨走來蒙倒  
屣迎蔗漿菰米飯  
蒟醬露葵羹頗識灌園意  
於陵不自輕

過盧四貞外宅看飯僧共題七韻

三賢異七賢青眼慕青蓮  
乞飯從香積裁衣學水

言終  
屈居卷之十四  
田上人飛錫杖檀越施金錢跌坐檐前日焚香竹  
下煙寒空法雲地秋色淨居天身逐因緣法心過  
次第禪不須愁日暮自有一燈然

河南嚴尹弟見宿弊廬訪別人賦十韻

上客能論道吾生學養蒙貧交世情外才子古人  
中冠上方簪豸車邊已畫熊拂衣迎五馬垂手憑  
雙童花醪和松屑茶香透竹叢薄霜澄夜月殘雪  
帶春風古壁蒼苔黑寒山遠燒紅眼看東候別心  
事北川同爲學輕先輩何能訪老翁欲知今日後

不樂爲車公

過太乙觀賈生房

昔余栖遯日之子煙霞鄰共攜松葉酒俱簪竹皮  
巾攀林遍巖洞采藥無冬春謬以道門子徵爲驂  
御臣常恐丹液就先我紫陽賓天促萬塗盡哀傷  
百慮新跡峻不容俗才多反累真泣對雙泉水還  
山無主人

投道一師蘭若宿

一公栖太白高頂出風煙梵流諸壑遍花雨一峯

言系 屈居卷之十四  
偏迹爲無心隱名因立教傳鳥來還語法客去更  
安禪晝涉松路盡暮投蘭若邊洞房隱深竹清夜  
聞遙泉向是雲霞裏今成枕席前豈唯暫留宿服  
事將窮年

遊化感寺

翡翠香煙合琉璃寶地平龍宮連棟宇虎穴傍檐  
楹谷靜唯松響山深無鳥聲瓊峯當戶折金澗透  
林鳴一作明郢路雲端迴秦川雨外晴鴈王銜果獻  
鹿女踏花行抖擻辭貧里歸依宿化城繞籬生野

蕨空館發山櫻香飯青菰米嘉蔬綠笋莖一作紫芋羹  
誓陪清梵末端坐學無生

遊悟真寺紀事作王涇詩

聞道黃金地仍開白玉田擲山移巨石呪嶺出飛  
泉猛虎同三逕愁猿學四禪買香然綠桂乞火踏  
紅一作青蓮草色搖霞上一作起松聲汎月邊山河窮  
百二世界接一作滿三千梵宇聊憑視一作覽王城遂  
渺然灞陵纔出樹渭水欲連天遠縣分諸紀事作朱郭  
孤村起白煙望雲思聖主披霧隱羣賢薄宦慚尸

素一作終身擬尚玄誰知草菴客曾和柏梁篇

與蘇盧二負外期遊方丈寺而蘇不至因

百二世有是作一作王昌齡詩

共仰頭陀行能忘世諦情迴看雙鳳闕相去一牛

鳴法向空林說心隨寶地平手巾花氎淨香帔道

畦成聞道邀同舍相期宿化城安知不來往翻得

似一作無生

曉行巴峽

際曉投巴峽餘春憶帝京晴江一女浣朝日衆雞

一作禽鳴水國舟中市山橋樹杪行登高萬井出眺

迴二流明人作殊方語鶯爲故一作舊國聲賴多一作

詰山水趣稍解別離情

早入滎陽界

汎舟入滎澤茲邑乃雄藩河曲閭閻隘川中煙火

繁因人見風俗入境聞方言秋野田疇盛朝光市

井喧漁商波上客雞犬岸傍村前路白雲外孤帆

安可論

清如玉壺水

玉壺何用好偏許素冰居一作藏冰玉壺裏水水類方諸未共銷  
丹日還同照綺疏抱明中不隱含淨外疑虛氣似  
庭霜積光言砌月餘曉凌飛鵲鏡宵映聚螢書若  
向夫君比清心尚不如

東谿玩月

月從斷山口遙吐柴門端萬木分空霽流陰中夜  
攢光連虛象白氣與風露寒谷靜秋泉響巖深青  
靄殘清澄入幽夢破影抱空巒恍惚琴窓裏松谿  
曉思難

田家

舊穀行將盡良苗一作田未可希老年方愛粥卒歲  
且無衣雀乳青苔井雞鳴白板扉柴車駕羸犂草  
屨牧豪豨夕雨紅榴折新秋綠芋肥餉田桑下憩  
旁舍草中歸佳處名愚谷何煩問是非

沈十四拾遺新竹生讀經處同諸公作

閑居日清靜脩竹自檀欒嫩節留餘籜新叢出舊  
欄細枝風響亂疎影月光寒樂府裁龍笛漁家伐  
釣竿何如道門裏青翠拂仙壇

雜詩

朝因折楊柳相見洛陽隅  
楚國無如妾秦家自有  
夫對人傳玉腕映燭解羅襦  
人見東方騎皆言夫  
壻殊持謝金吾子煩君提玉壺

哭褚司馬

妄識皆心累浮生定死媒  
誰言老龍吉未免伯牛  
災故有求仙藥仍餘遯俗杯  
山川秋樹苦牕戶夜  
泉哀尚憶青騾去寧知白馬來  
漢臣修史記莫蔽  
褚生才

過沈居士山居哭之

楊朱來此哭桑扈返於真  
獨自成千古依然舊四  
鄰閑簷喧鳥鵲故榻滿埃塵  
曙月孤鶯囀空山五  
柳春野花愁對客泉水咽迎人  
善卷明時隱黔婁  
在日貧逝川嗟爾命丘井歎吾身  
前後徒言隔相  
悲詎幾晨

哭祖六自虛

否極嘗聞泰嗟君獨不然  
憫凶纔稚齒羸疾主中  
年餘力文章秀生知禮樂全  
翰留大帳覽詞入帝

宮傳國訝終軍少人知賈誼賢公卿盡虛左朋識  
共推先不恨依窮轍終期濟巨川才雄望羔鴈壽  
促背貂蟬福善聞前錄殲良昧上玄何辜鍛鸞翮  
底事碎龍泉鵬起長沙賦麟終曲阜編域中君道  
廣海內我情偏乍失疑猶見沈思悟絕緣生前不  
忍別死後向誰宣爲此情難盡彌令憶更纏本家  
清渭曲歸葬舊塋邊永去長安道徒聞京兆旣旌  
車出郊甸鄉國隱雲天定作無期別寧同舊日旋  
候門家屬苦行路國人憐送客哀難進征途泥復  
前贈言爲挽曲奠席是離筵念昔同攜手風期不  
暫捐南山俱隱逸東洛類神仙未省音容間那堪  
生死遷花時金谷飲月夜竹林眠滿地傳都賦傾  
朝看藥船羣公咸屬目微物敢齊肩謬合同人旨  
而將玉樹連不期先掛劍長恐後施鞭爲善吾無  
矣知音子絕焉琴聲縱不沒終亦繼悲絃





師妻以  
終其志

莫以今時寵能忘舊日恩  
看花滿眼淚不共楚王  
言

班婕妤三首

玉牕螢影度金殿人聲絕  
秋夜守羅帷孤燈耿不  
滅

宮殿生秋草君王恩幸疎  
那堪聞鳳吹門外度金  
輿

恠來妝閣閉朝下不相迎  
總向春園裏花間笑語

聲

輞川集二十首 并序

余別業在輞川山谷其遊止有孟城坳華子岡  
文杏館斤竹嶺鹿柴木蘭柴茱萸泝宮槐陌臨  
湖亭南坨歌湖柳浪藥家瀨金屑泉白石灘北  
坨竹里館辛夷塢漆園椒園等與裴迪閑暇各  
賦絕句云爾

孟城坳

新家孟城口古木餘衰柳  
來者復為誰空悲昔人

有

華子岡

飛鳥去不窮連山復秋色上下華子岡惆悵情何極

文杏館

文杏裁為梁香茅結為宇不知棟裏雲去作人間雨

斤竹嶺

檀欒映空曲青翠漾漣漪暗入商山路樵人不可

知

鹿柴

柴土邁切按韻會云山居以木柵作柴或作柴

空山不見人但聞人語響返景入深林復照青苔上

木蘭柴

秋山歛餘照飛鳥逐前侶彩翠時分明夕嵐無處所

茱萸泚

泚音半切義與泚通

結實紅且綠復如花更開山中儻畱客置此芙蓉

杯

宮槐陌

仄逕蔭宮槐幽陰多綠苔  
鷹門但迎掃畏有山僧  
來

臨湖亭

輕舸迎上一作客悠悠湖上來  
當軒對樽酒四面

芙蓉開

南垞

輕舟南垞去北垞  
森難即隔浦望人家  
遙遙不相

識

歆湖

吹簫凌極浦日暮送夫君  
湖上一迴首青山卷白  
雲

柳浪

分行接綺樹倒影入清漪  
不學御溝上春風傷別  
離

樂家瀨

颯颯秋雨中淺淺石溜瀉  
跳波自相濺白鷺驚復

金屑泉

下  
日飲金屑泉少當千餘歲翠鳳翊文螭羽節朝玉帝

白石灘

清淺白石灘綠蒲向堪把家住水東西浣紗明月下

北垞

北垞湖水北雜樹映朱欄逶迤南川水明滅青林

端

竹里館

獨坐幽篁裏彈琴復長嘯深林人不知明月來相照

辛夷塢

木末芙蓉花山中發紅萼澗戶寂無人紛紛開且落

漆園

古人非傲吏自闕經世務偶寄一微官婆娑數株

詩紀  
屈唐卷之十五  
五  
樹入非烟更自開  
聖世新開第一  
始官榮  
文樓林

椒園

桂尊迎帝子  
杜若贈佳人  
椒漿奠瑤席  
欲下雲中君

皇甫嶽雲谿雜題五首

鳥鳴磻

人閑桂花落  
夜靜春山空  
月出驚山鳥  
時鳴春澗中

蓮花塢

日日采蓮去  
洲長多暮歸  
弄篙莫濺水  
畏濕紅蓮衣

鷓鴣堰

乍向紅蓮沒  
復出清蒲颺  
獨立何離徙  
銜魚古查上

上平田

朝耕上平田  
暮耕上平田  
借問問津者  
寧知沮溺賢

萍池

詩紀  
感舊卷之十五  
六

春池深且廣會待輕舟迴靡靡綠萍合垂楊掃復開

荅裴迪輞口遇雨憶終南山之作

外 森森寒流廣蒼蒼秋雨晦君問終南山心知白雲

山中寄諸弟妹

雲 山中多法侶禪誦自為羣城郭遙相望唯應見白

聞裴秀才迪吟詩因戲贈

客 猿吟一何苦愁朝復悲夕莫作巫峽聲腸斷秋江

贈韋穆十八

深 與君青眼客共有白雲心不向東山去日令春草

送別

歸不歸 山中相送罷日暮掩柴扉春草明年一作年年綠王孫

臨高臺送黎拾遺

相送臨高臺川原杳何極日暮飛鳥還行人去不  
息

別輞川別業

依遲動車馬惆悵出松蘿忍別青山去其如綠水  
何

崔九弟欲往南山馬上口號與別

城隅一分手幾日還相見山中有桂花莫待花如  
露

題友人雲母障子

君家雲母障時

一作持

一作

向野庭開自有山泉入非因

一作采畫來

紅牡丹

綠豔閑且靜紅衣淺復深花心愁欲斷春色豈知  
心

左掖梨花

閑灑堦邊草輕隨箔外風黃鶯弄不足銜入未央  
宮

菩提寺禁口號又示裴迪



詩經 卷之十五  
安得捨羅網拂衣辭世喧悠然策藜杖歸向桃花源

雜詩

家住孟津河門對孟津口常有江南船寄書家中否

君自故鄉來應知故鄉事來日綺牕前寒梅着花未

已見寒梅發復聞啼鳥聲心心視春草畏向堦前生

崔興宗寫真詠

畫君年少時如今君已老今時新識人知君舊時好

山茱萸

朱實山下開清香寒更發幸與叢桂花牕前向秋月

相思

紅苴生南國秋來發故枝願君多采擷

一作勸君

此物最相思

紀事云祿山之亂李龜年奔於江潭曾於湘中採訪

詩記

言糸  
使筵上  
唱此詞

書事

出天厨  
林宗彜

輕陰閣小雨深院書慵開坐看蒼苔色欲上人衣  
來

哭孟浩然

時為殿中侍御史知  
南選至襄陽有作

故人不可見漢水日東流借問襄陽老江山空蔡  
州

闕題二首

出冷齋  
夜話

荆谿白石出天寒紅葉稀山路元無雨空翠濕人

衣

相看不忍發慘淡暮潮平語罷更攜手月明洲渚  
生

六言絕句

田園樂七首

厭見千門萬戶經過北里南鄰官府鳴珂有底崆  
峒散髮何人

再見封侯萬戶立談賜璧一雙詎勝偶耕南畝何  
如高臥東牕

采菱渡頭風急策杖林西日斜杏樹壇邊漁父桃  
花源裏人家

萋萋春草秋綠一作碧落落長松夏寒牛羊自歸村

巷童稚不識衣冠

山下孤煙遠村天邊獨樹高原一瓢顏回陋巷五

柳先生對門

桃紅復含宿雨柳綠更帶朝煙花落家僮未掃鶯

一作鳥啼山客猶眠

酌酒會臨泉水抱琴好倚長松南園露葵朝折東

谷一作西舍黃梁夜春

七言絕句

少年行四首

新豐美酒斗十千咸陽遊俠多少少年相逢意氣爲

君飲繫馬高樓垂柳邊

出身仕漢羽林郎初隨驃騎戰漁陽孰知不向邊

庭苦一作死縱死猶聞俠骨香

一身能擘兩雕弧虜騎千重一作群只似無偏坐金

鞍調白羽紛紛射殺五單于

漢家君臣歡宴終高議雲臺論戰功天子臨軒賜  
侯印將軍佩出明光宮

贈裴旻將軍

腰間寶劍七星文臂上瑠弓百戰勳見說雲中擒  
黠虜始知天上有將軍

九月九日憶山東兄弟時年十七

獨在異鄉為異客每聞佳節倍思親遙知兄弟登  
高處遍插茱萸少一人

送王尊師歸蜀中拜掃

大羅天上神仙客濯錦江頭花柳春不為碧雞稱  
使者唯令白鶴報鄉人

送元二使安西

渭城朝雨裊輕塵客舍青青柳色新一作楊柳春勤君  
更盡一杯酒西出陽關無故人

齊州送祖二

送君南浦淚如絲君向東州使我悲為報顧人顛  
額盡如今不似洛陽時

送韋評事

欲逐將軍取右賢沙場走馬向居延遙知漢使蕭  
關外愁見孤城落日邊

靈雲池送從弟

金杯緩酌清歌轉畫舸輕移豔舞迴自歎鶺鴒臨  
水別不同鴻鴈向池來

送沈子歸江東

楊柳渡頭行客稀罟師盪槳向臨圻唯有相思似  
春色江南江北送春歸

與盧貞外象過崔處士興宗林亭

綠樹重一作垂陰葢四鄰青苔日厚自無塵科頭箕  
踞長松一作林下白眼看他世上人

寒食汜上作

廣武城邊逢暮春汶陽歸客淚沾巾落花寂寂啼  
山鳥楊柳青青渡水人

戲題輞川別業

柳條拂地不須折松樹披雲從更長藤花欲暗藏  
猱子柏葉初齊養麝香

戲題盤石

可憐盤石臨泉水復有垂楊拂酒杯若道春風不解意何因吹送落花來

菩提寺禁裴迪來相看說逆賊等凝碧池  
上作音樂供奉人等舉聲便一時淚下私  
成口號誦示裴迪

紀事云祿山大會凝碧池梨園子弟歔歔泣下樂工雷海青擲樂器西向大慟賊支解於試馬殿維時拘於菩提寺有詩云云後聞行在賊平皆下獄獨維得免

萬戶傷心生野煙百官僚一作何日更朝天秋槐葉落空深一作官裏凝碧池頭奏管絃

京州賽神

涼州城外少人行百尺峯頭望虜塵健兒擊鼓吹羌笛共賽城東越騎神

劇嘲史寰

清風細雨濕梅花驟馬先過碧玉家正值楚王宮裏至門前初下七香車

歎白髮

宿昔朱顏成暮齒須臾白髮變垂髫一生幾許傷心事不向空門何處銷

送殷四葬

送君返葬石樓山松柏蒼蒼賓馭還埋骨白雲長  
已矣空餘流水向人間

闕題

見董道  
夫畫跋

人家在仙掌雲氣欲生衣

前闕

盛唐第十五

盛唐第十六

唐詩紀七十六

鄆郡吳瑄彙編

東吳俞策同校

王縉

本傳云字夏卿河中人與兄維早以文翰  
著名連應草澤文辭清麗舉累授侍御史

祿山亂為太原少尹功効謀畧衆所推先加  
憲部侍郎歷工部侍郎散騎常侍廣德中拜  
黃門侍郎同平章事後以元載得罪坐貶括  
州刺史大曆中除太子賓客留司東都卒

古離別

下階欲離別相對映蘭叢含辭未及吐淚落蘭叢  
中高堂靜秋日羅衣飄暮風誰能待明月迴首見

牀空

青雀歌

林間青雀兒來往翩翩繞一枝莫言不解銜環報  
但問君恩今若爲

送孫秀才

帝城風日好况復建平家玉枕雙紋簟金盤五色  
瓜山中無魯酒山下飯胡麻莫厭田家苦歸期遠  
復賒

同王昌齡裴迪遊青龍寺曇壁上人兄院

集和兄維

林中空寂舍階下終南山高臥一牀地一作迴看

六合間浮雲幾處滅飛鳥何時還問義天人接無

心世界閑誰知大隱者一作兄弟自追攀

遊悟真寺

王維集亦載此詩按紀事作入縉是必誤入維集今並存之

聞道黃金地仍開白玉田擲山移巨石呪嶺出飛

泉猛虎同三徑愁猿學四禪買香然綠桂乞火踏

紅一作蓮草色搖霞上一作松聲泛月邊山河窮

百二世界接一作三千梵宇聊憑視王城遂



渺然灞陵纔出樹渭水欲連天遠縣分朱一作郭

孤村起白煙望雲思聖主披霧憶羣賢薄宦慚尸

素一作祿終身擬尚玄誰知草菴客曾和柏梁篇

別輞川別業

山月曉仍在林風涼不絕殷勤如有情惆悵令人

別世

與盧負外象過崔處士興宗林亭

身名不問十年餘老大誰能更讀書林中獨酌鄰

家酒門外時聞長者車

九日作

莫將邊地比京都八月嚴霜草已枯今日登高樽

酒裏不知能有菊花無

裴迪初與王維崔興宗俱居終南天寶後為蜀州刺史

青龍寺曇壁上人院集

靈境信為絕法堂出塵氛自然成高致向下看浮

雲迤邐峯岫列參差間井分林端遠堞見風末疎

鐘聞吾師久禪寂在世超人羣

青雀歌

言終  
屈唐卷之十一  
三  
動息自適性不曾妄與燕雀羣幸忝鷓鴣早相識  
何時提攜致青雲

遊感化寺曇興上人山院

不遠灞陵邊安居向十年入門穿竹徑留客聽山  
泉鳥嘯深林裏心閑落照前浮名竟何益從此願  
棲禪

夏日過青龍寺謁操禪師

安禪一室內左右竹亭幽有法知不染無言誰敢  
酬鳥飛爭向夕蟬噪已先秋煩暑自茲適清涼何

所求

西塔寺陸羽茶泉

竟陵西塔寺蹤跡尚空虛不獨支公住曾經陸羽  
居草堂荒產蛤茶井冷生魚一汲清泠水一作高  
風味有餘

春日與王右丞過新昌里訪呂逸人不遇

恨不逢君出荷簑青松白屋更無他陶令五男曾  
不有蔣生三逕枉相過芙蓉曲沼春流滿薜荔成  
帷晚靄多聞說桃源好迷客不如高臥眄庭柯

朝川集二十首

不木... 孟城切

結廬古城下時登古城上古城非疇昔今人自來

往

風和... 華子岡

落日松風起還家草露晞雲光侵履跡山翠拂人

衣

文杏館

迢迢文杏館躋攀日已屢南嶺與北湖前看復迴

顧

斤竹嶺

明流紆且直綠篠密復深一逕通山路行歌望舊

岑

鹿柴

日夕見寒山便為獨往客不知深林事但有麀麀

跡

木蘭柴

蒼蒼落日時鳥聲亂谿水綠谿路轉深幽與何時

茱萸泝

飄香亂椒桂布葉間檀欒雲日雖迴照森沈猶自  
寒

宮槐陌

門前宮槐陌是向欽湖道秋來山雨多落葉無人  
掃

臨湖亭

當軒彌滉漾孤月正徘徊谷雨猿聲發風傳入戶

來

南垞

孤舟信一泊南垞湖水岸落日下崦嵫清波殊淼  
漫

欽湖泉

空闊湖水廣青熒天色同艤舟一長嘯四面來清  
風

柳浪

映池同一色逐吹散如絲結陰旣得地何謝陶家

時必同一色  
灤聲喧極浦  
沿涉向南津  
汎汎鷗鳧渡  
時時欲近  
樂家灤

人聞水聲  
天色同  
灤汎一  
身歡  
四面來

金屑泉

縈滄澹不流  
金碧如可拾  
迎晨含素華  
獨往事朝  
汲

白石灘

跂石復臨水  
弄波情未極  
日下川上寒  
浮雲澹無

色

一作凝碧

北垞

南山北垞下  
結宇臨歛湖  
每欲采樵去  
扁舟出菰  
蒲

竹里館

來過竹里館  
日與道相親  
出入唯山鳥  
幽深無世  
人

辛夷塢

綠堤春草合  
王孫自畱翫  
况有辛夷花  
色與芙蓉

亂髮春草合王孫自留留  
漆園無

好閑早成性果此諧宿諾今日漆園遊還同莊叟

椒園韻

丹刺胃人衣芳香留過客幸堪調鼎用願君垂采  
摘

朝口遇雨憶終南山因獻王維

積雨晦空曲平沙滅浮彩朝水去悠悠南山復何

在

崔九欲往南山馬上口號與別

歸山深淺去須盡丘壑美莫學武陵人暫遊桃源  
裏

過崔處士林亭

喬柯門裏自成陰散髮牕中曾不簪逍遙且喜從  
吾事榮寵從來非我心

崔興宗

與王維裴迪俱居終南後爲右補闕

同王右丞送瑗公南歸

詩經 屈唐卷之十六  
行苦神亦秀冷然谿上松銅瓶與竹杖來自祝融  
峯常願入靈嶽藏經訪遺蹤南歸見長老且爲說  
心胷

青雀歌

青扈繞青林翩翩陋體一微禽不應長在藩籬下  
他日凌雲誰見心

和王維勅賜百官櫻桃

未央朝謁正逶迤天上櫻桃錫此時朱實初傳九  
華殿繁花舊雜萬年枝未勝晏子江南橘莫比潘

家大谷梨聞道令人好顏色神農本草自應知

留別王維

駐馬欲分襟清寒御溝上前山景氣佳獨往還惆  
悵

酬王維盧象見過林亭

窮巷空林常閉關悠然獨臥對前山今朝忽枉嵇  
生駕倒屣開門遙解顏

苑咸

紀事云成都人開元末上書拜司經校書  
中書舍人時推咸文誥之最終永陽太守

始咸舉進士在京死三日復蘇云至陰司見  
劉敬則爲冥官問其故曰追滅乃誤召公速

言系  
遣押還咸曰數上京不捷家遠且貧試閱籍  
若有科舉官職即願生還劉謂曰君來春登  
第至中  
書舍人

送大理正攝御史判涼州別駕

天子念西一作邊疆咨君去不遑垂銀棘庭印持斧

柏臺綱雪下天山白泉枯塞草黃佇聞河隴外還

繼海沂康

酬王維并序

王貞外兄以予嘗學天竺書有戲題見贈然王  
兄當代詩匠又精禪理枉采知音形於雅作輒

走筆以酬焉且久未遷因而嘲及

蓮花梵宇本從天華省仙郎早悟禪三點成伊猶  
有想一觀如幻自忘筌為文已變當時體入用還  
推間氣賢應同羅漢無名欲故作馮唐老歲年

慕容承

攜素饌過王維見王維集

行行西陌返駐幘問車公挾轂雙官騎應門五尺  
僮老年如塞北強起離牆東為報壺丘子來人道  
姓蒙



丘為

嘉興人事繼母孝常有靈芝生堂下累官太子右庶子時年八十餘而母無恙給俸祿之半及居憂觀察使韓滉以致仕官給祿所以惠養老臣不可在喪為異唯罷春秋羊酒初還鄉縣令謁之為候門磬折令坐乃拜里胥立庭下既出乃敢坐經縣署降馬而趨

卒年九十  
六見唐志

尋西山隱者不遇

絕頂一茅茨直下三十里扣關無僮僕窺室唯案  
几若非巾柴車應是釣秋水差池不相見黽俛空  
仰止草色新雨中松聲晚牕裏及茲契幽絕自足  
蕩心耳雖無賓主意頗得清淨理興盡方下山何

必待之子

題農夫廬舍

東風何時一作處至已綠湖上山湖上春既早田家  
日不閑溝塹一作壑流水處耒耜平蕪間薄暮飯牛  
罷歸來還閉關

泛若耶谿

結廬若耶裏左右若耶水無日不釣魚有時向城  
市谿中水流急渡口水流寬每得樵風便往來殊  
不難一川草長綠四時那得辨短褐衣妻兒餘糧

及雞犬日暮鳥雀稀稚子呼牛歸住處無鄰里柴  
門獨掩扉

湖中寄王侍御

日日湖水上好登湖上樓終年不向郭過午始梳  
頭嘗自愛杯酒得無相獻酬小僮能膾鯉少妾事  
蓮舟每有南浦信仍期後月遊方春轉搖蕩孤興  
嶼一作時淹留驄馬真傲吏翛然無所求晨趨  
玉階下心許滄江流少別如昨日何言經數秋應  
知方外事獨徃非悠悠

尋廬山崔徵君

日高雞犬靜門掩向寒塘夜竹深茅宇秋亭冷石  
牀住山年已遠服藥壽偏長虛棄浮生者相逢益  
自傷

別留王維

歸鞍白雲外繚繞出前山今日又明日自知心不  
閑親勞簪組送欲赴鶯花還一步一回首遲遲向  
近關

竹下殘雪

一點消未盡孤月在竹陰晴光夜轉瑩寒氣曉仍  
深還對讀書牖且關乘興心已能依此地終不傍  
瑤琴

登潤州城

天末江城晚登臨客望迷春潮平島嶼殘雨隔虹  
蜺鳥與孤帆遠煙和獨樹低鄉山何處是目斷廣  
陵西

送閻校書之越

南入剡中路草雲應轉微湖邊好花照山口細泉

飛此地饒古跡世人多忘歸經年松雪在永日世  
情稀芸閣應相望芳時不可違

省試夏日可畏

一作張籍詩

赫赫溫風扇炎炎夏日徂火威馳迴野畏景爍遙  
途勢矯翔陽翰功分造化鑪禁城千品燭黃道一  
輪孤落照頻空簾餘暉卷夕梧如何倦遊子中路  
獨踟躕

左掖梨花

冷艷全欺雪餘香乍入衣春風且莫定吹向玉階



羊茸經緯綿密半  
遵雅調全削凡體

五言古詩

從張丞相遊南紀城獵戲贈裴迪張參軍  
從禽非吾樂不好雲夢田歲暮登城望偏令鄉思  
懸公卿有幾幾一作數子車一作聯騎何翩翩世祿金張  
貴官曹幕府賢順時行殺氣飛刃爭割鮮十里屈  
賓館徵聲匝妓筵高標迴落日平楚散一作壓芳煙  
何意狂歌客從公亦在旃

登江中孤嶼贈白雲先生王迥

悠悠清江水水落沙嶼出迴潭石下深綠篠岸傍  
密鮫人潛不見漁父歌自逸憶與君別時泛舟如  
昨日夕陽開返照中坐興非一南望鹿門山歸來  
恨如一作相失

晚春卧病寄張八

南陌春將晚北牕猶卧病林園久不遊草木一何  
盛狹逕花障迷閑庭竹掃淨翠羽戲蘭苕頰鱗動  
荷柄念我平生好江鄉遠從政雲山阻夢思衾枕  
勞歌詠歌詠復何爲同心恨別離世途皆自媚流

俗寡相知賈誼才空逸安仁鬢欲絲一作垂遙情每

東注奔晷復西馳常恐填溝壑無由振羽儀窮通

若有命欲向論中推

秋登蘭山寄張五

北山白雲裏隱者自怡悅相望試登高心飛逐鳥

滅一作心隨愁因薄暮起興是清境一作秋發時見

歸村人沙行一作平沙渡頭歇天邊樹若齊江畔舟一作

洲如月何當載酒來共醉重陽節

入峽寄弟

吾昔與爾輩讀書常閉門未嘗冒湍險豈顧垂堂

言自此歷江湖辛勤難具論往來行旅弊開鑿禹

功存壁立一作直千巖一作峯峻滾流萬壑奔我來凡

幾宿無夕不聞猿浦上搖一作思歸戀舟中失夢覓

淚沾明月峽心斷鵲鴿原離閣星難聚秋深露已

繁因君下南楚書此示一作寄鄉園

湖中旅泊寄閻九司戶防

桂水通百越扁舟期曉發荆雲蔽三巴夕望不見

家襄王夢行雨才子謫長沙長沙饒瘴癘胡為苦

留滯久別思欸顏承歡懷接袂接袂杳無由徒增  
旅泊愁清猿不可聽沿月下湘流

大堤行寄萬七

大堤行樂處車馬相馳突歲歲春草生踏青二三  
月王孫挾珠彈遊女矜羅襪攜手今莫同江花爲  
誰發

仲夏歸漢南園寄京邑耆舊

嘗讀高士傳最嘉陶徵君日耽田園趣自謂羲皇  
人予復何爲者栖栖徒問津中年廢丘壑上國旅

風塵忠欲事明主孝思侍老親歸來當炎夏耕稼  
不及春扇枕北窓下采芝南澗濱因聲謝同一作朝  
列吾慕潁陽真

題雲門山寄越府包戶曹徐起居

我行適諸越夢寐懷所歡久負獨往願今來恣遊  
盤台嶺踐磴石耶谿泝林湍捨舟入香界登閣憩  
旃檀晴山秦望近春水鏡湖寬遠懷佇應接卑位  
徒勞安白雲日夕滯滄海去來觀故國眇天末良  
朋在朝端遲爾同攜手何時方挂冠

宿揚子津寄潤州長山劉隱士

所思在建業一作夢寐欲往大江深日夕望京口煙波

愁我心心馳茅山洞目極楓樹林不見少微星一作

隱風星一作霜徒一作勞一作夜吟

書懷貽京邑同好

維先自鄒魯家世重儒風詩禮襲遺訓趨庭霑末  
躬晝夜常自強詞翰頗亦工三十既成立嗟吁命  
不通慈親向羸老喜懼在深衷甘脆朝不足簞瓢  
夕屢空執鞭慕夫子捧檄懷毛公感激遂彈冠安

能守固窮當途訴知己投刺匪求蒙秦楚邈離異  
翻飛何日同

還山貽湛法師

幻聞無生理常欲觀此身心跡罕兼遂嶇崎多在  
塵晚途歸舊壑偶與支公鄰導以微妙法結為清  
淨因近本無以上二句下有喜得林下契共推煩

惱業頓捨山林情轉殷朝來問疑義夕話得清真

墨妙稱古絕詞華驚世人禪房閑虛靜花藥連冬

春平石藉琴硯落泉灑衣巾欲知冥滅意朝夕海



言系  
五唐卷之十一  
五  
鷗馴

夏日南亭懷辛大

山光忽西洛池月漸東上散髮乘夕涼開軒卧閑  
敞荷風送香氣竹露滴清響欲取鳴琴彈恨無知  
音賞感此懷故人中宵勞夢想

秋宵月下懷

秋空明月懸光彩露霑濕驚鵲棲未定飛螢捲簾  
入庭槐寒影踈鄰杵夜聲急佳期曠何許望望空  
佇立

將適天台留別臨安李主簿

枳棘君尚棲匏瓜吾豈繫念離當夏首漂泊指炎  
裔江海非墮一作遊田園失歸計定山旣早發漁  
浦亦宵濟泛泛隨波瀾行行任艫柁故林日已遠  
羣木坐成裔羽人在丹丘吾亦從此逝

送丁大鳳進士赴舉呈張九齡

吾觀鷲鷁賦君負王佐才惜無金張援十上空歸  
來棄置鄉園老翻飛羽翼摧故人今在位岐路莫  
遲迴

送吳悅遊韶陽

五色憐鳳雛南飛適鷓鴣楚人不相識何處求椅  
梧去去日千里茫茫天一隅安能與斥鷃決起但  
槍榆

適越留別譙縣張主簿申屠少府

朝乘汴河流一作去夕次譙縣界幸值一作因西風吹  
得與故人會君學梅福隱余從伯鸞邁別後能相  
思浮雲在吳會

送陳七赴西軍

吾觀非常者碌碌在目前君負鴻鵠志蹉跎書劍  
年一聞邊烽動萬里忽爭先余亦赴京國何當獻  
凱還

送從弟邕下第後尋會稽

疾風吹征帆倏爾向空没千里在一作去俄頃三江  
坐超忽向來共歡娛日夕成楚越落羽更分飛誰  
能不驚骨

送辛大之鄂渚不及

送君不相見日暮獨愁緒江上空一作久徘徊天邊

迷處所郡邑經樊鄧山河一作雲山入嵩汝蒲輪去漸  
遙石徑徒延佇

江上別流人

以我越鄉客一作里逢君謫君者分飛黃鶴樓流落

一作宕蒼梧野驛使乘雲去征帆沿溜下不知從此

分還袂何時把

宴包二融宅

閑居枕清洛左右接大野門庭無雜賓車轍多長

者是時一作歲方盛夏風物自瀟灑五日休沐歸相

攜竹林下開襟成歡趣對酌不能罷煙暝栖鳥迷

一作還余將一作亦歸白社

與王昌齡宴王道士房

歸來卧青山常夢遊清都漆園有傲吏惠好在招

呼書幌神仙錄畫屏山海圖酌霞復對此宛似入

蓬壺

襄陽公宅飲

窈窕夕陽一作陰佳萋茸春色好欲覓淹留處無過

狹斜道綺席卷龍鬚香杯浮碼碯北林積脩樹南

池生別島手撥金翠花心迷玉紅一作芝草談天光  
六義發論明三倒座非陳子驚門還魏公掃榮辱  
一作華應無間歡娛當共保

尋香山湛上人

朝遊訪名山山遠在一作若空翠氛氳亘百里日入

行始至杖策尋故人解鞍暫停騎石門殊豁險篁

逕轉深一作森邃法侶欣相逢清談曉不寐平生慕

真隱累日求一作探竒一作靈異野老朝入田一作雲

山僧暮歸寺松泉多逸一作清響苔壁饒古意谷口

聞鐘聲林端識香氣近本以上二句願言投此山

身世永一作兩相棄

雲門寺西六七里聞符公蘭若最幽與薛  
八同往

謂予獨迷方逢子亦在野結交指松柏問法尋蘭

若小谿劣容舟怪石屢驚馬所居最幽絕所住皆

靜者雲簇興座隅天空落落階下以上二句一作密

舍上人亦何聞一作開塵念俱已捨四禪合真如一

切是虛假願承甘露潤喜得惠風灑依止此一作託

山門誰能効丘也

宿天台桐柏觀

海行信風帆夕宿逗雲島緬尋滄洲趣近愛赤城

好捫蘿亦踐苔輟棹恣探窮一作討息陰憩桐柏采

秀弄芝草鶴唳清露垂雞鳴信潮早願言解纓紱

絡一作從此無一作煩惱高步凌四明玄蹤得三老

紛吾遠遊意學一作彼長生道日夕望三山雲濤

空浩浩

峴潭一作作

石潭傍隈隩沙岸一作曉寅緣試垂竹竿釣果得  
槎頭編美人騁金錯纖手膾紅鮮因謝陸内史萼  
羹何足傳

題終南翠微寺空上人房

翠微終南裏雨後宜返照閉關久沈冥杖策一登

眺遂造幽人室始知靜者妙儒道雖異門雲林頗

同調兩心相喜得畢景共談笑暝還高牕眠一作

時見遠山燒緬懷赤城標更憶臨海嶠風泉有清

音何必蘇門嘯

初春漢中漾舟

羊公峴山下宋板作漾神女漢臯曲雪罷水復開

春潭千丈綠輕舟恣來往探翫無厭足宋板無以上二句

波影搖妓釵沙光逐人目傾杯魚鳥醉聯句鶯花

續良會難再逢日入須秉燭宋板無以上二句

宿業師山房待丁公不至

夕陽度西嶺羣壑修已暝松月生夜涼風泉滿清

聽樵人歸欲盡煙鳥栖初定之子期宿來孤琴候

蘿逕

耶谿泛舟

落景餘清輝輕橈一作棹弄谿渚澄明愛水物臨泛

何容與白首垂釣翁新妝浣紗女相看一作似相

識脉脉不得語

彭蠡湖中望廬山

太虛生月暈舟子知天風挂席候明發眇漫平湖

中中流見匡阜勢壓九江雄黯黯容霽色崢嶸當

曉空香爐一作爐峯初上日瀑布一作水噴成虹久欲追

尚子况兹懷遠公我來限于役未暇息微躬淮海

言終  
途將半星霜歲欲窮寄言巖栖者畢趣當來同

登鹿門山

清曉因興來乘流越江峴沙禽近方一作初識浦

樹遙一作遠莫辨漸至鹿門山山明翠微淺巖潭多

屈曲舟楫屢迴轉昔聞龐德公采藥遂不返金澗

餌一作養芝朮石牀卧苔蘚紛吾感耆舊結纜事攀

踐隱迹今尚存高風邈已遠白雲何時去丹桂空

偃蹇探討意未窮迴艇一作舫夕陽晚

遊明禪師西山蘭若

西山多奇狀秀出倚前楹停午收彩翠夕陽照分

明吾師住其下禪坐證無生結廬就嵌窟剪茗一作

竹一作徑通往一作行談空對樵叟授法與山精日暮方

辭去田園歸冶城

登望楚山最高頂

山水觀形勝襄陽美會稽最高唯望楚曾未一攀

躋石壁疑削成衆山比全低晴明試登陟目極無

端倪雲夢掌中小武陵花處迷暝還歸騎下蘿月

映一作在深谿

疾愈過龍泉寺精舍呈易業二公

停午聞山鐘起行散愁疾尋林采芝去谷轉松翠

一作蘿密傍見精舍開長廊飯僧畢石渠流雪水金

子耀霜橘竹房思舊遊過憩終永日入洞窺石髓

傍崖采蜂蜜日暮辭遠公虎谿相送出

萬山潭作

垂釣坐盤石水清心亦閑魚行潭樹下猿挂一作卧

島藤一作蘿間游女昔解佩傳聞於此山求之不可

得沿月棹歌還

與黃侍御北津泛舟

津無蛟龍患日夕常安流本欲避驄馬何如同鷁

舟豈伊今日幸曾是昔年遊莫奏琴中鶴且隨波

上鷗隄緣九里郭山面百城樓自顧躬耕者才非

管樂儔聞君薦草澤從此泛滄洲

洗然弟竹亭

吾與二三子平生結交深俱懷鴻鵠志昔有鶴鵠

心逸氣假毫翰清風在竹林遠是酒中趣琴上偶

然音

寺已

盛唐卷之十七

七



山中逢道士雲公

春餘草木繁耕種滿田園酌酒聊自勸農夫安與  
言忽聞荆山子時出桃花源采樵過北谷賣藥來  
西村村煙日云夕榛路有歸客杖策前相逢依然  
是疇昔邂逅歡覲止殷勤叙離隔謂予搏扶桑輕  
舉振六翮奈何偶昌運獨見遺草澤既笑接輿狂  
仍憐孔丘厄物情趨勢利吾道貴閑寂偃息西山  
下門庭罕人迹何時還清谿從爾鍊丹液

越中逢天台太乙子

仙穴逢羽人停鱸向前拜問余涉風水何處遠行  
邁登陸尋天台順流下吳會茲山夙所尚安得問

一作

靈怪上逼青天高俯臨滄海大雞鳴見日出

常覲仙人旆

近本皆作每與仙人會

往來赤城中逍遙白雲

外莓苔異人間瀑布當空界福庭長自然

一作華不死

頂舊稱最永此

一作懷從之

一作此遊何當濟所屆

家園卧疾畢太祝曜見尋

伏枕舊遊曠笙簧

一作歌

勞夢思平生重交結迨此

令人疑水室無煖氣炎

一作火

雲空赫曦隙駒不暫

言系  
盛唐卷之十一  
十四  
駐日聽涼蟬悲壯圖哀未立斑白恨吾衰夫子自  
南楚緬懷嵩汝期顧予衡茅下兼致稟物資脫分  
趨庭禮殷勤伐木詩脫君車前鞅設我園中葵斗  
酒須寒興明朝難重持近本無以  
上八句

白雲先生王迴見訪

閑歸日無事雲卧晝不起有客款柴扉自云巢居  
子居閑好芝朮采藥來城市家在鹿門山常遊澗  
澤水手持白羽扇脚步青芒履聞道鶴書徵臨流  
還洗耳

田園作

弊廬隔塵喧惟先尚一作  
養恬素卜鄰近三徑植果  
盈千樹粵余任推遷三十猶未遇書劒時將晚丘  
園日已一作  
空暮晨興自多懷晝坐常寡悟冲天美  
鴻鵠爭食嗟一作  
羞鷄鶩望斷金馬門勞歌采樵路  
鄉曲無知己朝端乏親故誰能爲楊雄一薦甘泉  
賦

采樵作

采樵入深山山深樹重疊橋崩卧槎擁路險垂藤

言系  
盛唐卷之十一  
三五  
接日落伴將稀山風拂蘿衣長歌負輕策平望野  
煙歸

自潯陽泛舟經明海

大江分九流

一作派

淼淼

一作漫漫

成水鄉舟子乘利涉

往來至

一作過

潯陽因之泛五湖流浪經三湘觀濤

壯枚發弔屈痛沈湘魏闕心恒在金門詔不忘遙

憐上林鴈水泮也

一作已

回翔

早發漁浦潭

東旭早光芒渚禽已驚聒卧聞漁浦口橈聲暗相

撥日出氣象分始知江湖闊美人常晏起照影弄  
流沫飲水畏驚猿祭魚時見獺舟行自無悶况值  
晴景豁

經七里灘

予奉垂堂誠千金非所輕爲多山水樂頻作泛舟  
行五嶽追向子三湘弔屈平湖經洞庭闊江入新  
安清復聞嚴陵瀨乃在茲湍

一作此行路疊嶂數百里

沿洄非一趣彩翠相氛氲別流亂奔注釣磯平可  
坐苔磴滑難步後飲石下潭鳥還日邊樹觀竒恨

言系 來晚倚棹惜將暮揮手弄潺湲從茲洗塵慮

歲暮海上作

仲尼既云一作已歿余亦浮于海昏見斗柄迴方知

歲星改虛舟任所適垂釣非有待為問乘槎人滄

洲一作浪復誰一作在

南歸阻雪

我行滯宛許日夕望京豫曠野莽茫茫鄉山在何

處孤煙村際起歸鴈天邊去積雪覆平臯饑鷹捉

寒兔少年弄文墨屬意在章句十上恥還家徘徊

守歸路

聽鄭五情彈琴

阮籍推名飲清風滿竹林半酣下衫袖拂拭龍唇

琴一杯彈一曲不覺夕陽沈予一作餘意在山水聞

之諧夙心

同張明府清鏡歎

妾有盤龍鏡清光常晝發自從生塵埃有若霧中

月愁來試取照坐歎生白髮寄語邊塞人如何久

離別

庭橘

明發覽羣物萬木何陰森凝霜漸  
水庭橘似懸金女伴爭攀摘  
窺礙葉深並生憐共蒂相示感  
同心骨刺紅羅被香粘翠羽簪  
攀來玉盤裏全勝在幽林

早梅

園中有早梅年例犯寒開  
少婦曾一作攀折將歸  
插鏡臺猶言看不足更欲剪刀裁

七言古詩

和盧明府送鄭十三還京兼寄之什

昔時風景登臨地今日衣冠送別筵  
醉坐自傾彭澤酒思歸長望白雲天  
洞庭一葉驚秋早瀟瀟落空嗟  
滯江島寄語朝廷當世人何時重見長安道

高陽池送朱二

當昔襄陽雄盛時山公常醉習家池  
池邊釣女日

一作相隨妝成照影競來窺  
澄波澹澹芙蓉發綠

岸毵毵楊柳垂一朝物變人亦非  
四面荒涼人徑

一作稀意氣豪華何處在空餘草露濕羅衣  
此地

言終  
盛唐卷之二  
朝來餞行者翻向此中牧征馬征馬分飛日漸斜  
見此空爲人所嗟殷勤爲訪桃源路予亦歸來松  
子家

鸚鵡洲送王九之江左

昔登江上黃鶴樓遙愛江中鸚鵡洲洲勢逶迤還

一作繞

碧流鴛鴦灘鵜滿灘

一作沙

頭灘

一作沙

頭日落

沙磧長金沙熠熠

一作耀耀

動颼光舟人牽錦纜浣女

結羅裳月明全見蘆花白風起遙聞杜若香君行  
采采莫相忘

送王七尉松滋得陽臺雲

君不見巫山神女作行雲霏紅沓翠曉氛氲嬋娟  
流入楚王夢倏忽還隨零雨分空中飛去復飛來  
朝朝暮暮下陽臺愁君此去爲仙尉便逐行雲去  
不迴

夜歸鹿門歌

山寺鳴鐘晝已昏漁陽渡頭爭渡喧人隨沙路向  
江村余亦乘舟歸鹿門鹿門月照開煙樹忽到龐  
公棲隱處巖扉松徑

一作樵逕非遙

長寂寥惟有幽人夜

言終  
來去

長樂宮

秦城舊來稱窈窕漢家更衣應不少紅粉邀君在  
何處青樓苦夜長難曉長樂宮中鐘暗來可憐歌  
舞慣相催歡娛此事今寂寞惟有年年陵樹哀

盛唐第十七

盛唐第十八

唐詩紀七十八

鄆郡吳瑄彙編

東吳俞策同校

孟浩然

五言律詩

和張丞相春朝對雪

迎氣當春至承恩喜雪來潤從河漢下花逼豔陽  
開不覩豐年瑞焉一作安知燮理才撒鹽如可擬願  
糝和羹梅

詩系 和張明府登鹿門作

忽示登高作能寬旅寓情絃歌既多暇山水思微

一作彌 清草得風光 一作先 動虹因雨氣 一作後 成謬承

巴俚和非敢應同聲

和張二自穰縣還途中遇雪

風吹沙海雪漸來 一作來 作柳園春宛轉隨香騎輕盈

伴玉人歌疑郢中客態比洛川神今日南歸楚雙

飛似入秦

和賈主簿并九日登峴山

楚萬重陽日羣公賞讌來共乘休沐暇同醉菊花  
杯逸思高秋發歡情落景催國人咸寡和遙愧洛  
陽才

望洞庭湖贈張丞相 一作臨

八月湖水平涵虛混太清氣蒸雲夢澤波撼 一作動

岳陽城欲濟無舟楫端居恥聖明坐觀垂釣者空

一作徒 有羨魚情

贈道士參寥

蜀琴久不弄玉匣細塵生綵脆絃將斷金徽色尚



言糸  
榮知音徒自惜聾俗本相輕不遇鍾期聽誰知鸞  
鳳聲

京還贈張維

拂衣何處去高枕南山南欲徇五斗祿其如七不  
堪早朝非晚一作晏起束帶異抽簪因向智者說遊  
魚思舊潭

題李十四莊兼贈綦毋校書

聞君息陰地東郭柳林間左右瀍澗水門庭緱氏  
山抱琴來取醉垂釣坐乘閑歸客莫相待尋一作緣

源殊未還

九日龍沙作寄劉大春虛

龍沙豫章北九日挂帆過風俗因時見湖山發興  
多客中誰送酒棹裏自成歌歌竟乘流去滔滔任  
夕波

寄趙正字

正字芸香閣幽人竹素園經過宛如昨歸卧寂無  
喧高鳥能擇木羝羊漫觸藩物情今已見從此願  
忘言

言紀 盛唐卷之十八 三  
洞庭湖寄閻九

洞庭秋正闊余欲泛歸船莫辨荆吳地唯餘水共  
天渺瀰江樹没合沓海潮一作湖連遲爾為舟楫相  
將濟巨川

秦中感秋寄遠上人

一丘常欲卧三徑苦無資北土一作上非吾願東林  
懷我師黃金然桂盡壯志逐年衰日夕涼風至聞  
蟬但益悲

宿永嘉江寄山陰崔少府國輔

我行窮水國君使入京華相去日千里孤帆天一  
涯卧聞海潮至起視江月斜借問同舟客何時到  
永嘉

上巳洛中寄王九迥

卜洛成周地浮杯上巳筵鬪雞寒食下走馬射堂  
前垂柳金堤合平沙翠幙連不知王逸少何處會  
羣賢

聞裴侍御拙自襄州司戶除豫州司戶因  
以投寄

言終  
故人荆府掾尚有柏臺威移職自樊衍一作芳聲  
聞帝畿昔余卧林巷載酒過柴扉松菊無時賞鄉  
園欲懶歸

江上寄山陰崔少府國輔

春堤楊柳發憶與故人期草木本無意榮枯自有  
時山陰定遠近江上日相思不及蘭亭會空吟被  
襖詩

夜泊廬江聞故人在東寺以詩寄之

江路經廬阜松門入虎谿聞君尋寂樂清夜宿招

提石鏡山精怯禪枝一作怖鴿棲一燈如悟道爲

照客心迷

宿桐廬江寄廣陵舊遊

山暝聞一作聽猿愁滄江急夜流風鳴兩岸葉月照

一孤舟建德非吾土維揚憶舊遊還將兩一作數行

淚遙寄海西頭

南還舟中寄袁太祝

沿沂非便習風波厭苦辛忽聞遷谷鳥來報五陵  
春嶺北迴征帆巴東問故人桃一作花源何處是遊

詩經  
子正迷津

東坡遇雨率爾貽謝南池

田家春事起丁壯就東坡殷殷雷聲作森森雨足垂海虹晴始見河柳潤初移予意在耕鑿因君問

土宜

一作問君  
田事宜

行至汝墳寄盧徵君

行乏憩予駕依然見汝墳洛川方罷雪嵩嶂有殘雲曳曳半空裏明明一作溶溶五色分聊題一時興因

寄盧徵君

寄天台道士

海上求仙客三山望幾時焚香宿華頂裊露采靈芝屢躡莓苔滑將尋汗漫期倘因松子去長與世人辭

唐城館中早發寄楊使君

犯霜驅曉駕數里見唐城旅館歸心逼荒村客思盈訪人留後信策蹇赴前程欲識離魂斷長空聽鴈聲

澗南卽事貽皎上人

言紀  
盛唐卷之十一  
弊廬在郭外素產惟田園左右林野曠不聞朝一作  
城市喧釣竿垂北澗樵唱入南軒書取幽棲事將  
尋靜者論一作

酬李少府見贈

養疾衡簷一作茅下由來浩氣真五行將禁火十步

任一作想尋春致敬惟桑梓邀歡即主一作故人迴看

後彫色青翠有松筠

九日懷襄陽

去國似一作已如昨倏然一作馬經杪秋峴山不可一作

不望見風景令人愁誰采籬下菊應開池上樓宜城  
多美酒歸與葛疆遊

初出關旅亭夜坐懷王大校書

向夕槐煙起葱龍池館曛客中無偶坐關外惜離  
羣燭至螢光滅荷枯雨滴聞永懷芸閣友寂寞滯

楊雲

人日登南陽驛門亭子懷漢川諸友

朝來登陟處不似豔陽時異縣殊風物羈懷多所  
思剪花驚歲早看柳訝春遲未有南飛鴈裁書欲

寄誰

早寒江上有懷

木落鴈南

一作初

度北風江上寒我家襄

一作湘又作江

水

上

一作曲

遙隔楚雲

一作山

端鄉淚客中盡孤

一作歸

帆

天際

一作外

看迷津欲有問平海夕漫漫

閑園懷蘇子

林園雖少事幽獨自多違向夕開簾坐庭陰落景

微鳥過

一作從

煙樹宿螢傷水軒飛感念同懷子京

華去不歸

同盧明府餞張郎中除義王府司馬

就張園作

上國星

一作山

河列

一作裂

賢王甲

一作邸

第開故人分

職去潘令寵行來冠蓋趨梁苑江山

一作湘

失楚材

豫愁軒騎動賓客散池臺

送張子容進士舉

夕曛山照滅

一作醉後

送客出柴門惆悵野中別殷勤岐路

言茂林予偃息喬木爾飛翻無使谷風誚須

令友道存

送張參明經舉兼向涇州覲省

詩紀

盛唐卷之十八

十五綵衣年承歡慈母前孝廉因歲貢懷橘向秦  
川四座推文舉中郎許仲宣泛舟江上別誰不仰  
神仙

送張祥之房陵

我家南渡頭慣習野人舟日夕弄清淺林湍逆上  
流山河一作鄢陵據形勝天地生豪酋君意在利往一作涉  
知音期自投

送吳宣從事

才有幕中士一作畫寧一作而無塞上勳漢兵將滅虜

王粲始從軍旌旆邊庭去山川地脉分平生一七  
首感激贈夫君

送桓子之郢成禮

聞君馳綵騎躑躅指南荆一作荆衡爲結潘楊好言過  
鄢郢城標梅詩有贈羔鴈禮將行今夜神仙女應  
來感夢情

留別王侍御維

寂寂竟何待朝朝空自歸欲尋芳草去惜與故人  
違當路誰相假知音世所稀祗應守索一作寂冥還

掩故園扉

早春潤州送從弟還鄉

兄弟遊吳國庭闈戀楚關已多新歲感一作更餞  
白眉還歸泛西江水離筵北固山鄉園欲有贈梅  
柳着先攀

峴亭贈房瑄崔宗之

貴賤平生隔軒車是日來青陽一觀止雲路一作霧  
豁然開祖道衣冠列分亭驛騎催方期九日聚還  
待二星迴

送謝錄事之越

清旦江天迴涼風西北吹白雲向吳會征帆亦相  
隨想到耶谿日應探禹穴竒仙書倘相示予在此  
一作山陲

洛中送奚二還揚州

水國無邊際舟行共使風羨君從此去朝夕見鄉  
中予亦離家久南行恨不同音書若有問江上會  
相逢

送告八從軍



言糸  
男兒一片氣何必五車書好勇方過我多才便起  
予運籌將入幕養拙就閑居正待功名遂從君繼  
兩踈

送元公之鄂渚尋觀主張驂鸞

桃花春水漲之子忽乘流峴下離一作首蛟浦江中

邊一作問鶴樓贈君青竹杖送爾白蘋洲應是神仙

子一作葦相逢一作期汗漫遊

送王五昆季省覲

公子戀庭闈勞歌涉海涯一作沂水乘舟楫去親望

老萊歸斜日催烏鳥清江照綵衣平生急難意遙  
仰鵲鴿飛

送崔暹

片玉來誇楚治中作主人江山增潤色詞賦動陽  
春別館當虛敞離情任吐伸因聲兩京舊誰念卧  
漳濱

送盧少府使入秦

楚關望秦國相去千里餘州縣勤王事山河轉使  
車祖筵江上列離恨別前書願及芳年賞嬌鶯二

言  
月初

送袁十嶺南尋弟

早聞牛渚詠今見鵲鴿心  
羽翼嗟零落悲鳴別故  
林蒼梧白雲遠空一作煙  
水洞庭深萬里獨飛去南  
風遲爾音

永嘉別張子容

舊國余歸楚新年子北征  
挂帆愁海路分手戀朋  
情日夕故園意汀洲春草生  
何時一杯酒重與季  
鷹一作李鷹傾

東京留別諸公

一題作京還別新豐諸友

吾道昧所適驅車還向東  
主人開舊館留客醉新  
豐樹繞溫泉綠塵遮晚日  
紅拂衣從此去高步躡  
華嵩

送袁太祝尉豫章

何幸遇休明觀光來上京  
相逢武陵客獨送豫章  
行隨牒牽黃綬離羣會墨卿  
江南佳麗地山水舊  
難名

都下送辛大之鄂

南國辛居士言歸舊竹林未逢調鼎用徒有濟川  
心予亦忘機者田園在漢陰因君故鄉去遙寄式  
微吟

送席大

惜爾懷其寶迷邦倦客遊江山歷全楚河洛越成  
周道路疲千里鄉園老一丘知君命不偶同病亦  
同憂

送賈昇主簿之荆府

奉使推能者勤王不暫閑觀風隨按察乘騎度荆

關送別登何處開筵舊峴山征軒明日遠空望郢  
門間

送王大校書

導漾自嶓冢東流爲漢川維桑君有意解纜我開  
筵雲雨從茲別林端意渺然尺書能不悵時望鯉  
魚傳

遊江西留別富陽裴劉二少府

西上游一作浙江西臨流恨一作愠解攜千山疊成嶂  
萬水瀉一作壑爲谿石淺流難泝一作注藤長險易躋

誰憐問津者

一作客

歲晏此中迷

廣陵別薛八

一題作送友東歸

士有不得志  
栖栖吳楚間  
廣陵相遇罷  
彭蠡泛舟還  
檣出江中樹  
波連海上山  
風帆明日遠  
何處更追攀

送洗然弟進士舉

獻策金門去  
承歡綵服違  
以吾一日長  
念爾聚星稀  
昏定須溫席  
寒多未授衣  
桂枝如已擢  
早逐鴈南飛

盛唐第十八

